

梅亭先生四六標準

十



四六標準



梅亭先生四六標準卷之二十九

倅

通潭州馬通判

赴寧鄉簿

榮膺宸綽顯貳价藩千里展長沙之平古稱清絕  
居刺史之半今得仁賢先驅有嚴和氣已溢  
雲仍固在方略何如於討虜風烈隱然久載休聲  
宜躋華貫尚屏星之借重使湘水之安流清風明  
月之平分折瓊枝而繼佩高蓋華軒之一丈齊王  
軼而並馳邦國不空公侯必復某失身副墨食志

勾朱綴簿上而趨閣前繞枝已久來水中而搴木  
末託蔭方新尚微風雨之悒懔庶免塵埃之筆楚

通潭州張通判履信

書生漫仕抗塵祭竈之卑卜史涓期隸役題輿之  
下昉去民而就吏持不肖以事賢共承攝龜尤願  
前馬恭惟某官器資凝遠德宇洪深紅蓮幕下之  
婉謀青草湖邊之美製所立皆偉其他可知天道  
好還共擬公侯之必復王事靡盬肯辭州縣之徒  
勞駕言屏星戾止湘水平分風月已歌邦國之不  
空暫建鼓旗更覺湖山之自得會趣長沙之召徑



登文石之班某副墨陋儒勾朱冗職無蚍蜉之援  
柰何與上大夫言非鸞鳳所棲此豈爲我等輩設  
惟倚幘幪於夏屋庶寬篳楚於塵埃

通潭州吳通判 鑑

歌海沂之別駕無路事賢詠臨邑之卑棲消辰效  
役敢以尺書之敬徹於再拜之先恭惟某官地望  
穹華人門峻特冠切雲帶長鉞夙超四姓之侯佩  
明月懷連城要是萬人之敵舒翹綠水展足赤城  
盍歸乎來何去之速峻溫洛滎河之直分清風明  
月之平邦國不空足表監州之績公侯必復益光  
著令之忠卧而治之行且召矣某崎嶇白戰漫浪  
朱勾不卑小官寧免塵埃之篳楚當詣大府尚希  
風雨之幘幪

代回衡州謝通判

曳革履之聲足容縮縮擁緹屏之駕手畢渠渠敢  
因謝絨并致賀臆恭惟某官人今而學古齒宿而  
意新徘徊金馬之門何相見晚璫粲銀魚之佩曾  
不逾時泛綠水之美蓉栽赤縣之桃李茲展驥足  
乃在熊湘王祥垂年別駕之功始立東之雖老宰  
相之器固存某見謂龍鍾猶共鳩僣追壬戌赤壁

之夢恍已九齡同甲子絳縣之人幸成二老

代回婺州高倅禾

鳳凰下千仞煩疑遙增擊而去之鯉魚中尺書乃  
有長相憶而遺我形骸更遠臭味已同恭惟某官  
賦料凌雲文成翻水排空直上合盛之白玉之堂  
取勢斜飛亦宜在青藜之館居然雞肋屈此牛刀  
宜未折彭澤之腰已先盡剡溪之興空願一壘於  
仁政竟違十乘於他邦何許飛鳧乃今展驥聞及  
瓜之不遠知行李之鼎來某已薄暮齡宜收朝蹟  
聞有長塵尾固願再欵於名談何當大刀頭仰恐

寢踈於良覲

代回肇慶方倅信孺

託先世之遊從淒其一夢見通家之姓字粲若尺  
書似聞逸氣之無前尤喜故人之有後恭惟某官  
挺身膚敏發聞芳馨頃冒甚危之機肯使不測之  
虜迄從權變復合和親奈何衆口之難調責以一  
言之相應忠無不報事久益明果復舊禮遄紆新  
組治中展驥足才即應於時須池上有鳳毛美更  
觀於世濟某偶然浪出頗以倒行綠槐十二街此  
非佚我老之計白髮三千丈行當致為臣而歸

代回撫州魏倅峴

伏勤專介見昇屬辭試乞巧於天女孫則爲宜耳  
願求福於木居士不亦左乎得非所蒙願竊有復  
恭惟某官世濟其美材稱乎官一同甚敏於割雞  
半刺即觀於展驥有渥題輿之寵何待推轂之功  
不即人而人即之行且召矣其求士甚士求我蓋  
亦有焉某旣受一廩當迎別駕比何武之薦龍龔舍  
則恐過情期魏暮之繼鄭公所當拭目

代回處州董通判居誼

一官藏拙焉知賢材而舉之三載陟明不如鄉人

標十七

之善者冒焉刻去何以謝爲恭惟某官敏手決科  
縈身從政君門不可以徑寧緩其驅公事之了雖  
癡姑行所學事常出乎名上材益展於治中足應  
時須敢孤歲舉需章比入巽牘鼎來願恐將去齊  
之情莫酬復望蜀之意某余髮如此歸志浩然儀  
圖之莫助之浪將短綆匪報也爲好也聊實空函

代回單通判端已

識中散於未仙知音者寡思元賓而不見訪別其  
孤報謁良勞贈言尤寵恭惟某官槐根之芷蘭茁  
其芽題別駕之輿少紆轍迹聽文昌之履會振家



聲疑只在於山中遂徑造其竹下亦既見止萬金  
之產不虛何以贈之兼乘之珠相比某愧無瓊報  
徒辱珍投書門前之一死一生客則陋矣坐足下  
而三熏三沐愛莫助之

代回臨江鄭通判 元鼎

奉詔舉賢幸不負公車之擯開緘見面乃猶題別  
駕之輿揣力則綿摛文何綺恭惟某官才猷夙敏  
器度浚明君子學道愛人已之無愠廉吏謹身率  
下去則見思意一鶚之可言忘匹雛之無力此亦  
公舉殆非私謝之求所愧外除無復裏言之助猥  
勤泥軼更枉緹函某歸老杜門味言推轂治中展  
驥足豈徒風月之平分池上有鳳毛即看雲霄之  
獨步

代施倅 揭回邵州王倅 祖在

裹緹命駕引綬露章湖南二郡之豪雄今稱第一  
江右諸王之奇俊碩屈平分下車之初載路相慶  
恭惟某官典刑炳蔚才諳浚明搜耕大夏之材久  
於聳壑瑚璉清廟之器何乃潤山蒲期留中還又  
補外厥爲濱水尚存漁父之滄浪匪直海沂可養  
公台之度量飛騰由此翹企埃之某再轉無庸同

寅有幸託交承於隔政不但爲瀟湘之故人話契  
闊於期年渾未隔京華之舊夢問兩鴻鵠諒歸詔  
之鼎來遺雙鯉魚覺報章之不腆

代回紹興史倅

策驥足於治中方開軌轍棲燕巢於幕下正託忻  
懽曾望履之未皇乃鳴謙之先辱藏固深於十襲  
報敢廢於七襄恭惟某官天分素高人門具美焜  
煌相業接王家三樹之槐爛熳世科掩竇氏五枝  
之桂宜自庭階之秀徑躋臺閣之崇要津願厭於  
立登佳境不辭於漸入鳴琴單父已昭利器之功

真止九

本

別駕海沂更養佩刀之望有來易地益近去天萬  
壑千巖暫煩應接清風明月真足平分長史有宰  
相之材寧無識者群從繼叔父之烈行即見之某  
一拙百罹十趨九蹶未了癡兒之事復蒙華使之  
咨一水相望悵有同於蓬弱五雲借潤幸不棄於  
管茅

代回道州宋倅蒙

司臬罔功躡升雉正發函得教似是馬曹歸斯受  
之告者過也恭惟某官抱負甚偉揚歷益深酌別  
駕一杯之清試春陵二三之策佇觀驥展會即雄

飛某久覺龍鐘又共鳩僦甲兵之間不至乃所願  
聞山林之味更長奚其不去

代回黃通判榮

題別駕之坐君子宜之戀屬車之塵老夫耄矣鼎  
來郵問益認鄰光恭惟某官早策名躔寢儀華路  
文章爾雅猶存元祐之故家風采老成不減正元  
之朝士小淹驥展佇即雄飛某密託扮榆旣凋蒲  
柳榮鈞天之一餉續夢無多及崦日之半規告歸  
已決小須驛召猶或郊迎

代回李通判銓

嘆峨峯之客子舊嘗綴於金臺懷石林之主人今  
獲依於玉樹所願拜一盂之水乃先飛五朵之雲  
恭惟某官世載其英學優則仕繩其祖武合薰班  
馬之香裕乃父功宜踵韋平之武况是一門叔父  
之貴新領三軍元帥之權雪夜鶻鳴亦識西平之  
有子風聲鶴唳倚瀕幼度之平戎詎容全材更淹  
半刺式觀挺挺之風烈克稱袞袞之公侯時來爲  
之風斯下矣某竭來通義正幸依仁所恨五色之  
迷有負六王之畢同姓同業也底勞叙元禮之通  
家三熏三沐之尚擬迎蓋公而避舍

代回綿州程通判植

化闥禮闈不隔公堂之霧廉泉遜水久睽緹屏之  
星忝來以書僕感且悚恭惟某官器資冲遠業德  
碩膺岷然岷峨之高皜乎江漢之濯發劓游刃已  
知立解於千牛按轡徐驅亦覺坐空於萬馬不謂  
九垓之汗漫尚從半刺之翱翔然富樂之山固有  
富樂之實佐磊落之府正須磊落之人豈有不龜  
之封侯而忘無蟹之監郡某因功龍邸洵試蠶津  
無以我公歸兮試問蕭朱之好事其大夫賢者尚  
修程李之驩

代回吳通判昌裔

對月半輪荷不厭平分之破觀風一道乃遽叨進  
寸之除感曳履以見臨且鳴謙而加賁共惟某官  
清標山立奧學淵停濮陽朱弦之桐洗盡人間之  
箏笛豫章白羽之扇留爲世上之舟航詎容蠶頤  
久淹驥足頗哀老子夙託年家噓枯吹生絡繹寄  
聲於圓嶠駕輕就熟馳驅俾踵於方舟某已控需  
章丐還節傳集于苞栩集于苞杞但切懷歸投以  
木瓜投以木桃祗慚匪報

代回叙州通判楊承議德輔

揚舲監郡懷寶賸鄰秋月兩章真有風人之託春  
雲多態不為時世之粧載味落英踐實之言足窺  
結根孤生之節水色異諸水安能為清紺之塵君  
家更贈君無忘厚培植之力

梅亭先生四六標準卷之二十九

梅亭先生四六標準卷之三十

諸司屬官

代回丁制機

銘

某恭審進通閨籍出運帷籌閱道放出蜀之龜侯  
誰在矣今威跨歸遼之鶴而子和之恭惟某官學  
裕家傳才優時用一經受業固無羨黃金之籛萬  
里隨翁欲重吟青玉之案宜輕蒲璧樂近蘭陔暫  
主畫於中權即舒翹於表選乃今王謝之子弟率  
多信布之功名佇奏膚公亟觀趾美某八年于外  
一節以趨欲贈丁儀愧乏子建之好句得見絳紹

益知中散之有人

代回楊制幹

異

桂林勞從事之賢講聞高誼久矣草堂就參謀之  
辟邂逅適我願兮况聞在揚侯之鄉已嘗識李邕  
之面偶忘摸索重感記怜共惟某官嫖節紉蘭妙  
齡拾芥章指之義數萬志在春秋縱橫之對三千  
文之禮樂畫諾肥越人之瘡笑談易蜀道之難北  
山有揚想君子樂與賢者西方曰棘嗟遠道胡爲  
來哉行矣章交亟其王覲某昔遲去魯今倦游梁  
忻聞瀟湘之故人來作臨邛之重客潭府溥古亦

嘗倚席於麓山錦里逢迎更覺驚心於石鏡

代回耿制屬

重客及隍缺於遠肅高文銜袖厚甚先施恭惟某  
官山立清標淵回懿學暫試三語之椽迄無一夫  
之寃茲被制捆之知俯按荒城之陋某幸諧再覲  
仍拜屬辭徒深巾衍之藏莫效襜褕之報

代回陳制幹會

青天轉粟之難漸欲歸雞豚之社綠水紅蓮之麗  
鼎來見鴻鴈之賓與汝爲鄰於余同業何幸萬里  
似人之喜然非九垓若士之期伏惟某官學行醇

標二十一

明詞章炳蔚頃嘗識老人大父之勳已知異吾黨  
小子之狂八韻之驚試官果妙年而中鵠三仕而  
爲令尹宜即日以飛鳧顧從嶺表之炎來依劔外  
之冷孔明用蜀府中實委之費禕嚴武鎮川幕下  
固謀之杜甫所謂有爲之亦若安知來者之不如  
某戊雪無庸漕水欲解十乘久違於文子至於它  
邦尺書如見於孟公爲之驚坐

代回史機宜

識嵇父於未仙知敬人中之鶴見徐卿之有子真  
成地上之麟辱貽秋月之兩章尤服春雲之多態

恭惟某人材爲國瑞學有家傳手敏八義亦欲吹  
噓而送上眼迷五色竟難摸索於暗中不妨利吾  
器以俟時行即漑其根而食實斯文如女有正色  
安用自怜我相夫子非癯仙即騰善價某方謀下  
榻聞偶稅郊茲勤連璧之臨咸有聯珠之贈寸田  
耕不盡益信任忠敏之詩二季對相望誑有歐陽  
子之識

代回成機宜

晉

疏寵承家拜恩諾仕男兒慷慨不難自致於一科  
母氏劬勞且合亟營於三釜固爲親屈難與俗言  
伏惟某人茂實英聲瑰意琦行象賢崇德豈惟聞  
禮以聞詩續間成宗是在難兄而難弟姑紆綠綬  
用當綵衣佇觀名第之摘疑即步要津而策足某  
未皇贊慶猥辱貽箋識野鶴於未仙但深感愧期  
名駒之越國會見騫騰

代回劉撫幹

孟虎

先庚有命焉知賢才而舉之高甲爲郎何見公等  
之晚也冒然剡入無以謝爲恭惟某官學超人羣  
詞窺天巧一第直溷子政有貴於晚成屢薦不入  
官亦何慊於同隊假以歲月矯焉雲霄某得於所



聞言之不忤燭之武老矣無能爲矣一力告休仲  
山甫舉之愛莫助之萬祈自重

代回胡帥機

綱

諸公獻納共騰薦士之章老子婆娑亦竊挂名之  
寵徒得君重何以謝爲恭惟某官父教之忠世濟  
其美故國非謂喬木意風烈之猶存此笏乃今甘  
棠况天章之固在黃閣門闌之喜青油談笑之長  
推轂有言滿坐稱善聊附蒼蠅之尾何補黃鵠之  
毛然未嘗得承顏而接辭則非所謂納交而要譽  
履聲來止巽謝何哉某無與提衡亦勤銜袖暗投  
珠於道路何以相酬朝發軔乎梁津幸其自愛

代回楊撫屬

紹雲

老形已具濫塵喉舌之司賀犢鼎來遠借齒牙之  
論恭惟某官文獻博雅機量疏明爲入幕之賓諒  
多裨贊舉筦庫之士會即騫騰某歸興雲飛官情  
冰冷推賢揚善亦有味其言哉度量時懼無補  
於賢者

代回蒲撫機

仲乙

聯名接武憶共尋皇子之陂異事同僚喜來入烏  
公之幕情親有素辭費何居伏惟某官遠抱淵深

清標沖粹二十而作文賦早拾科名八百之除吏  
負偶非親故然大車檻檻每難銳進而餘刃恢恢  
正覺礪新杜老參謀正不出浣花之里晉公贊畫  
固可參古栢之碑况今連鑣向闕之人莫非講劔  
摘文之客比多良馬暫入禮羅南有嘉魚即登賢  
罩某託交年拜起敬月評風動帳中亦欲更親於  
談笑冰解漕下自茲恐隔於行藏

代回李總屬

鑄

懷中散之野鶴夙荷心知見少傅之傳鸞今能趾  
美未遑贊慶猥辱陳箋恭惟某官學有家傳才爲  
國許金閨天上夙尋瑤草之期玉樹風前善繼石  
林之志佇膺世選不俟民庸某家寓峨峯族出成  
紀重來訪鴈湖之鴈已隔煙霄何幸見龍津之龍  
早騰雲漢其爲頌詠曷旣敷陳

代回朱總屬喻講書

父於睽離辱此臨賁頓解塵埃之渴更勤月露之  
文退而復白圭之三何翅得黃金之百駕彼四牡  
量材未敢以載驅遺我雙魚拜賜惟知於長跪

代回鄧總幹

剛

共州隔邑偶萬里之盍簪異事同寮借一章而推

轂所慚假蓋何用陳牋恭惟某官才器鴻尾詞章  
犀銳倦乘箕而騎尾甘歷井以捫參北風既亟只  
且獨何爲乎愁苦南鄭多道亡者顧不行兮夷猶  
天寶生之人爲瞠若去國暮年見似者喜矣嗟尔  
遠道胡爲乎來哉引鼎不程乞鄰非直偉卿以一  
身從我安敢蔽賢伯道之五鼓不來忽聆執諄某  
久於戍雪行矣解冰當百里半九十之時敢辭賤  
役有一石三十鍾之窘更賴仁言

代回陳檢察

鑄

仰仲子之世家積百聞於一見得孟公之手牘將

五六一

六

異事而同寮所愧先施之未能乃蒙下問而不耻  
恭惟某官學有家法材應時須登賢能之書合竟  
丹墀之對作神僊之尉未忘文石之忠尋小試於  
幕謀謂徑通於閨籍居然歛板復此曳裾百斛千  
鍾來察聖賢之實一石五斗肯聽婦兒之言無嫌  
從事之獨勞行應司徒之計治某燕巢旣舊蝗粟  
知慙明珠暗投固已覺我之形穢寒水烟立尚或  
使人之眼明

通湖南韓運管

望桐韓之闕閱夙仰泰山持苦李之姓名敢通北

海眇然縣掾之賤望之使筦之尊以言自鳴於分  
甚僭恭惟某官材猷孔碩文獻甚都東萊其師驥  
固宜於汗血南澗之嫡鳳何有於凡毛君遣使之  
皇皇筵得賓而秩秩坐紆三組卧護重湖使曾吞  
雲夢而恢然則背負天風也必矣某卑棲矮屋仰  
席崇臺安得自高政有資於引重能令公怒寧無  
望於包荒

代回胡運管極

回首祝融之峯前久無鴻鴈濯足清江之窻下忽  
送鯉魚既感故情又慙褒語恭惟某官士林翹楚

標九

宦海汨齊騰身方脫於選堦斂手又償於邑債賴  
割鷄之敏甚卒馴雉以靡然觀其不辭州縣之勞  
終焉必爲臺閣之器聊依綠水即致青雲某不安  
田廬又塵班列老矣無能爲也行即告歸忠焉能  
勿誨乎毋忘嗣訊

代回胡運管極

西清舉賢爭剡需頭之薦南郭濫吹與題箱尾之  
名計效則無何謝之有恭惟某官抱致遠之度無  
欲速之心才名四十年始償邑債扶搖九萬里猶  
作幕賓歸張迭嗟崔李交說射雉而用一矢縣力

可慙烹魚而得尺書雄文何腆某亡能為役有味  
其言末路再得朋喜而不寐吾負二宜去人謂斯  
何

代回添差吳運堯

鑰

戚侯四姓既聯中秘之華部使六條願倚上賓之  
重方欲展大僚之敬乃先勤小牘之恭一謙尊光  
三復愧感恭惟某官器函天粹材軼人群太姒徽  
音雖不聞而亦式少君高節豈以貴而自驕榮通  
東璧之圖書暗接西廂之筆橐頤肯參聯於冰漕  
不辭主諾於日畿世選爾勞聊復養脩門之望徒

標

得君重詎真煩細務之親無王事鞅掌之勤有皇  
華咨諏之任銅龍甲觀生民又望於姜嫄路馬乘  
車褒賞誰如於申伯某淒其紛白復此依紅蛙以  
墟拘豈是緣青冥之脚魚於川泳尚或同白水之  
心

代回許運幹

儀

枉駕臨存屬辭賁重今作禁門鍵敢當百年幾見  
之稱君如雙井茶會赴衆口一嘗之願恭惟某官  
氣噓海岱文耀虹霓羅致幕中信一第之直溷子  
寶橫道側乃屢薦而不入官今歸張之迭嗟又崔

李之交說敢愛其力而隱於言惟是日夕之牛羊  
會且歸矣瞻彼月明之烏鵲愛莫助之某有味推  
賢無能為役然前驅弩矢固余力之不任儻旁譟  
鼓旗或此心之可效

代回奚運幹祝

題雁塔之名夙有同升之幸依驪駕之漕茲叨聯  
事之榮愧削牘之未遑感飛戩之先辱恭惟某官  
巋然地望雋甚天資手決世科不用懷綳之簪笏  
力行家學固求竹帛之功名便當正奚仲之車何  
用主李悝之糴湟中四百萬石暫倚經營廣內  
標三十  
一百三家即煩校理某偶攀末甲復託同寅自揣  
頭顱猶是五侯之賓客視如手足亦惟四海之弟  
兄

代衛內機回新任趙運幹師秀

內幕主書濫竊機謀之祿外臺贊畫鼎來禮樂之  
英盍修同寅之恭適坐旁午之冗高情厚甚下問  
燁然恭惟某官傑立宗標焯為儒侶麟振振而一  
角鳳翩翩以九苞太乙吹燈豈特傳五行之學長  
庚吐焰固宜光萬丈之文吾道非耶公等安在既  
低飛於枳棘又屢泛於芙蓉輟天塹之元僚佐星

輶之計吏棟簾雲雨似聞曾駐於檐帷庭戶湖山  
復見重來之賓佐聊副皇華之咨度即登清切之  
司存某濩落束書參差一第不狩不獵豈能談笑  
於青油爲箕爲裘聊戲爛斑之綵服爾然薄陋安  
所依歸異事同寮儻憐草木之吾味百聞一見當  
爲珠玉之脩容

代回曾運幹準

射雉而用一矢縣力可慙烹魚而得尺書雄文甚  
寵初無足謝何過乎恭恭惟某官殖學精深摛辭  
鉅麗一讀阿房之賦信九馬之皆空再歌泮水之

標二一

十

詩知祝螟之速肖聊贊星輶之畫盍歸天網之收  
某老矣綴班闕然報國徒得君重輒刻牘於公車  
何以文爲更歸恩於私室不辦七襄之報姑容十  
襲之藏

代回新成都趙帳幹益

計幕借材鼎來主畫郵筒聞報方欲貢書猥勤下  
問之先殊感高情之厚恭惟某官世濟其美父教  
之忠材刃有餘解全牛而不頓智囊無底洗九馬  
而可空是宜即復於青氈不謂尚淹於墨綬惟茲  
漕輶正重賓筵惠然肯來協贊皇皇之轡出其所

學行豐暴暴之財不俟章交會應召用某冒焉行  
險甫此依仁及同君子之寮實為幸會所媿小夫  
之牘不盡傾期

代回唐提幹 元齡

夏辟三千參聯無補冬官六十攝長可慚何勤執  
訊之來更辱微言之寵恭惟某官摘疑名第策足  
英游暮拔其尤久幕中之羅致歲計其入知地上  
之錢流行交公車之章當為清廟之器某不能者  
止乃分之宜方鳩儻功忘以年之當廢我龜既厭  
知曷月之還歸

代回陳提幹 伯震

明詔選賢爭抗需頭之薦老夫涉筆但深遊尾之  
慙幸而得君可以報國恭惟某官摘疑名第策足  
俊游人嘆老而嗟卑急於速化士任重而道遠貴  
在晚成欲功名留久遠之看信溫飽非平生之志  
日諸公之暗摸露尺牘以明揚今猶待詔於公車  
底用謝恩於私室某隨人作計為役無能感北山  
之移文逝將命駕觀東閣之奇士更幸改轅

代回夔路馬提幹 已榮

二年滿戍鷁回首以東歸再命觸藩暮矣頽而西



顧本欲潛深而伏，噢顧使出幽而迂，喬欲罷未能，不知所賀恭，惟提幹岷峨濯秀，江漢養源，淬剽犀之鋒，馳騁不難於萬里，賦射熊之館，吹噓亦在於九天，若爲二紀之塵埃，良負兩科之冠劍，方江濤之如此，覺人物之眇然，勲業終伏波之歸圖，畫勉凌煙之繼某，濫竽榜下曳尾，泥中推轂有味，其言心乎愛矣，引鼎不程其力，人謂斯何。

代回新班李茶幹鏗

白髮強顏，洵叨乘障，黃塵眯目，未暇見賢，敢圖宗家之英辱，貽記室之牘，恭惟某官人門第一才氣，無雙蔚然，丹山之羽毛，展也青雲之步武，麒麟地上，已通籍於煙霄，龍鶴山中，難窺班於霧雨，切聞六經三史之學，欲追一翁二季之蹤，行膺綸綍之招，何待弦歌之試，某夙同鱣譜，近倚龍門，所恨室邇而人遐，末由展覲，敢謂禮踰而情過，更費屬辭，感鏗惟深，鋪菜曷旣。

代回提幹監鎮楊修職埴

問一得三，夙服名駒之譽，駢四儷六，茲窺汗馬之功，得非所蒙，願竊有復，恭惟某官岷峨毓秀，江漢濯英，挺有祖風，固合間於兩社，裕乃父烈，寧當久

於諸侯茲耿耿以發矚已纍纍其綴組芝蘭庭下  
子弟正欲自佳槐棘班中公侯必復其始某辱崇  
世契見頽邦交老欲荷鋤歸問南山而種豆古來  
和鼎相期東閣之觀梅

代回許知縣

鴻祖

虞判院提幹

丑

袖賀

屣履迎門獲解塵埃之渴文書街袖辱貽月露之  
篇所慙先施之未能又覺成章之匪報惟感千金  
之贈當深十襲之藏

代回夔路常平馬提幹

己榮

偏城守土曾微牧御之庸一道觀風猥被將輸之

標三十

十一

命亟控循墻之避但期接浙而行敢意鳴謙抵深  
自訟恭惟某官銅柱氣槩絳帳文章早收楊葉之  
功尋擢桂林之第全材孔碩迅步何稽羅而致幕  
中足占穎脫爭令出門下行即章交佇軒翥以若  
然知乘除之必爾某濫叨小節甚愧同升兩科文  
武之英幸獲陪於年拜三川人物之論亦竊服於  
旦評所愧匹雛無力之人莫旅萬牛回首之送區  
區之悃續續以言

代回詹書監

淵

庶獄哀矜參聯弗績八材飭化率屬罔功過辱高

情更勤下問恭惟某官有志於世用力斯文儼素  
韞之倚廬耿丹心之戀闕范希文之守服必通時  
相之書富彥國之從權宜有天子之詔不然暮召  
當在朝祥某久玷憲曹又共事典會且歸矣所願  
爲聖人之氓愛莫助之猶幸惜天下之寶

代回詹書監

淵

八年一別矐若可驚千里尺書楚然有喜只慙善  
頌未免過情恭惟某官义手成章摘疑取第民曹  
補椽已小試十二牛之刀詞學問津又將垂五十  
犗之餌不虞銜恤猶鬱交章少須彈琴之成聲會  
見積薪之居上某強顏于此視蔭幾何尋有味推  
轂之言老夫耄矣持受羹反錦之意執事亮之

代回饒殿幹

時亨

貳職祥刑罔功犴獄誤恩率屬遂長雉工視蔭幾  
何取數多矣恭惟某官素材孔碩清德不腓醉面  
春風之和良多行樂官情秋光之薄還動出機有  
赫寶儲行觀幹裕某宜燕居息而鳩儻功某水某  
丘所釣遊會且歸矣在阡在陌可來徃亦有意哉

代回饒殿幹

時亨

頭顱如此甚慚朝夕之論思足音楚然真成親戚

之聲歎輒因陳謝併賀新除恭惟某官家食甚都  
官情未憇里門養望久倦游紫樞之庭冊府辦嚴  
將司存白玉之牒不妨遊戲會有薦揚某宜在挂  
冠又此持橐聊復爾耳姑出應於俗緣歸去來兮  
猶可尋於情話

梅亭先生四六標準卷之三十一

梅亭先生四六標準卷之三十一

教官

通武岡陳教授震

造託湘流疑已就碧油之幙延緣巫水乃聞還絳  
帳之紗愧執訊之已稽盍通名而告至恭惟某官  
學探千載文擅一家聲摩殿前皆三誦阿房之賦  
禮羅幙下顧載歌泮水之詩茲聞交章行即陞覲  
紫皇好學正爾恢天網之收黃閣招賢會亟勸露  
門之講州縣徒勞人耳將相寧有種乎某垂老無  
聞甚愚不肖向者誨諸生於館下要是牛溲茲焉

試別駕之治中亦非驥足不曰丞哉之余負亦惟  
善者之吾師儻諧半面之期亦勝交臂之失監州  
無懈恐非直杯水之官廣文有擅幸或作數旬之客

回武岡連教授嶸

補黔中之上佐問字茫然聞稷下之諸生迎師幸  
甚未皇執訊先辱鳴謙恭惟某官正學純明懿文  
炳蔚一門三秀聯翩千佛之題六館十年卓犖諸  
儒之唱頌棲鸞於矮屋又繫馬於堂階君子所樂  
三在得英材而教育天下達道五正須師席之琢  
磨佇令巫水之磻咸識沂風之詠造班玉筍遂講

金華某典午非材同寅何幸君來重席底虞坐客  
之無禮丞未全聳尚聽講經之有筭

回武岡何教授

淡

老形既具久欲挂神武之冠族姓未寒幸不冷廣  
文之席有來雙鯉如對三鱣恭惟某官挺特令名  
飛騰茂實園橋策足振鬣先登方策蟠曾摘髭獨  
晚邂逅泮林之集頡頏蓬島之游某急景凋年閑  
官窘步閑蕃於六館之空舍其亦有施乎識堅也  
十年為故人將賀其鳴已

回白教授

酉中

舉爾所知期不辱賢材之實與我共理亦惟賴庠  
序之申何勤謙搗更加巽謝恭惟某官器能膚敏  
學問純明問一得三子職早深於學禮唱五作六  
甲科共俟於為郎茲暫憩於冷氈合亟膺於溫綽  
某愛莫之助情見乎辭擊馬堦前切勿羨諸公之  
袞袞嚙鱣堂上正須效夫子之循循

回白教授

法從舉賢真誠知人矣廣文道謝何為至我哉靖  
惟暗中摸索之明何待送上吹噓之助恭惟某官  
器中瑚璉行存宮庭蒙求我而我匪求蒙識其大

者學優仕而仕則優學人自即之是宜四牡之章  
不待雙魚之請某初無寸力過辱尺牋上臣事君  
以人斯爲可賀貪天之功爲已則不敢知

### 回白教授

下車聞庠序之教亟欲引賢積閱限銓選之文甫  
能剡奏是亦公舉何費屬辭恭惟某官行無玼瑕  
學有源委繫堂下之馬安能鬱鬱以久居釣海上  
之鰲行即飄飄而高舉聊助鼓旗之譟何勤珠璧  
之投某愛莫助之顏之厚矣引鼎不程其力聊復  
露章推轂有味其言更祈強學

標三一

### 回白教授

二毛五馬詎知千騎之榮尺素雙魚倏拜三鱣之  
辱未能先施敢缺報章恭惟某官武安故家文公  
宿學丁年出使便入對天子之庭甲科爲郎何至  
落諸侯之客佇由芹水徑上蓬山某濫領斗州又  
捫井絡杜陵十暑復重尋流汗之炎范叔一寒行  
可伴無羶之冷其爲欣幸曷旣鋪蔡

### 代回王教授

同

八公同辰推薦賢之轂一第溷子寒坐客之羶輒  
用名聞何勤私謝恭惟某官學省佳士詞場雋人

何蕃貌不任其心而行焯焯仲舒言有補於世其  
對洋洋鴉旣集於泮林鳳當巢於阿閣平昌足信  
况有李翱之言翁歸不私何害山陽之託吾徒得  
君重耳子亦來見我乎某過辱臨存更勤貴况卮  
甘泉之八十一乘殊愧所蒙登凌煙者二十四人  
更期自勉

回漢州劉教授大川生日

鴈塔聯名料有感屏中之鶴鯉庭寘饋何足惠堂  
下之鱸或承之羞不忘所賀恭惟某官世家政駿  
鄉友卿雲舊憶杏園同走馬看花之賞近懷蘭省

六標三十一

共饕餮蠹爆竹之吟揆余度之余名俾爾耆而爾壽  
君子之言信有證旣正而葩我生之初尚無爲其  
何能穀其恭承嘉惠倍感故情避蓋公之堂願安  
承教推鄭莊之轂但懼罔功



梅亭先生四六標準卷之三十二

州官

通宋簽判億

赴寧鄉簿作

一官走俗拍囊粟以媚飢千里懷賢望嶺梅而傾  
渴將為半面之張本請先三袂以修辭恭惟某官  
天韻浚明風華膚敏不自多其閎閱必身致於功  
名鳳覽德輝下之則宜巢閣麟為聖人出也而乃  
在郊自古多才莫若湖南之賓客得公為重足空  
冀北之士夫無以紅蓮之依恐有青藜之照某偶  
逃飲墨遂得勾朱仕有時乎為貧惟會計當而已  
矣學然後知不足願教誨式穀似之

通臨安趙簽判崇寔

天府元僚亦既入芙蓉之幕冰臺末屬何幸託挑  
李之場謂已納交遂忘執贄敢圖銜袖之禮適重  
斂枉之慙恭惟某官卓爾宗英濟之世美平氏之  
與韋氏僅聞闕閱之傳周公之謂魯公宜襲勲勞  
之舊俯試一同之治迄騰三異之聲故國蓋有世  
臣藉未取苴茅之賞他人不如同姓自應聯棠棣  
之輝願甘僉舍之勞來借神皋之潤雲飛川泳是  
為近咫尺之天海運風搏行即擊三千之水某濫

塵吏底缺效恭先倒着白接籬所愧反躬之未稱  
報之青玉案更慙出吻之無奇

回費簽判

易地借材詰朝入幕遷于喬木可見主人之相知  
陟彼高岡良勞君子之于役恭惟某官典刑勝士  
文獻故家子弟欲其自佳不顯亦世公侯必復其  
始無競維人暫茲泛綠以依紅行矣紆青而拖紫  
某濫乘一障正窘百罹忻聞主畫之良將有蒙成  
之託集思廣益何幸承賢者之來同寅協恭所望  
有忠焉之誨

回史僉判

文舒

謝續進

某辱講歲饋見貺風宜口腹之奉累人難鯉盤之  
牢拒綵繡之光翻坐盍鯨錦之卷還未寓投挑報  
李之誠且舉受殮返璧之義願無再遣必亮寸忱

回史僉判

文舒

一麾出守遠從戎於安南同官爲寮幸留良於異  
北有勤下問尤佩高情伏惟某官業茂家傳美專  
世濟人人宗眉山之學維其有之字字出史籀之  
餘由來久矣茲屈糟丘之隱且兼冰幕之游衆皆  
醉而我獨醒是亦爲政人有酒而身無事定不廢

書其一障之乘再鼓甚淡思元賓而不見良忻子弟之自佳待崔羣以相親尚幸友朋之責善

回權僉判李司法 申子

被命帥連屈參郡畫聞風已久幸分鄰壁之光易地此來良覺賓筵之重恭惟某官蟠根奕葉騰茂飛英古錦為囊非尾棺之奇詭飛霞有佩足金薤之光芒胡為繡節之家猶屈墨曹之掾取青媿白諒必工進取之文沈綠依紅何足留軒騰之步此州斗絕每事冰寒茲乃得君子之寮必能圖仁人之利某強顏乘障束手面墻倒屣相迎何幸一賢之入幕同舟共濟庶無百姓之填溝

回權僉判李司法 申子

比沐袖綫已感再三之意茲承袂籀又貽四六之文良感勞謙亦幾迷復恭惟某官臨印重客成紀故家仲元在夷惠之間席珍審矣太白落羌渝之上袍錦謂何如聞飽曲禮之三千今復探直筆之數萬大廷奉天人之間固利春秋廣殿對日月之明令條禮樂拾芥不難於取紫泛蓮寧久於依紅肯為某來徒得君重某濫茲主畫正爾蒙成三重三沐之初何俟於三語同姓同業也固有望於同寅

回郭僉判 仲洪

備城假守凜虞末路之難貳郡得賢忻託初筵之  
重未皇注記先辱飛牋恭惟某官學富家傳美優  
世濟林宗砥礪之節壯若山淵子儀金石之忠貫  
於日月其在遙遙之胄諒餘挺挺之風四國于蕃  
寧止三令尹而無喜五年湏暇願方半刺史而同  
流惟時三榮強號一郭蠱小有悔无咎尚可爬梳  
并居其所而遷竟難回斡求牧與芻而不得無麵  
造餅之滋難何幸別駕之來將賴同舟之助相勉  
以忠義宜兩家子弟之通知衆望為神仙詎千載  
風流之敢繼第恐飛黃之服皂誰能泛綠以依紅  
某昔未借交今欣聯事瓊瑤匪報永以為好也敬  
飭魚緘珠玉將至得無修容乎惟占騎氣

回郭僉判 仲洪

函牘相先已佩再三之意袖牋為况更勤四六之  
文損惠稠重訟慚襞積恭惟某官西岷秀望東郭  
故家宰松桂之林良多美最汎芙蓉之幕似鬱壯  
圖佇自民庸式遘王觀某幸茲聯事甫此識賢凋  
郡蕭然正有望忠焉之誨佳賓戾止或可容拙者  
之歸

回趙僉判高

行吟憔悴忽玷竹符坐嘯從容將依蓮幕方圖注  
記遽辱鳴謙恭惟某官學富家傳材優時措成季  
之勲有後夙載英聲廣漢之政甚高宜躋膺仕願  
紆僉贊良鬱師言鴻漸于磐聊復爾耳鵬怒而翼  
其孰禦之某出幕星終得州斗大於焉嘉客定非  
圖利於大夫及爾同寮尚冀頗哀於老子

通潭州子節推晉

數淮右之衣冠高門以世謁湖南之賓客上幕其  
人眇焉枳棘之棲仰止芙蓉之幕不容禮後請以

標三十一

書先恭惟某官服襲典刑飛騰聲實莽西北三邊  
之警爰東南一尉之危誠死君上誠死封疆言之  
易耳今為妻子今為窮乏去者紛然能障狂瀾可  
知勁草章交甚盛召擢宜優猶出依綠水之光殆  
斜取青雲之勢天地亦大矣會當錄德而計功人  
物方眇然願思任重而致遠某困貧蝗粟為養蟲  
官今兩府之高士不為乃甘為此後五日之孺子  
可教幸卒教之

回吳節推代月湖作

蓮綠水之風流於焉嘉客瓜青門之瓠落似是昔

人藻翰惠然故情厚甚恭惟某官浚明其質庸敏於才錐之處囊中久於見穎羅而致幕下信天拔尤聊秩初筵即騰夷路某因功于國歸老是邦寵公入城或奉笑談之適揚儀在幕正觀聲實之流

回李節惟欽

十年別德謂已邈紫而凌清一榻延賢今顧依紅而泛綠有勤委贄良愧過情恭惟某官學有家傳才宜時措仙李盤根猗蘭奕葉夙高道德之門椒蘭息芙蓉為裳宜待承明之詔願勞主畫暫屈賓僚川泳雲飛此豈容於煖席幕開風動佇即拜於溫綸某再守竹符獲依梓里同姓也故人也惟是焉依儀圖之愛助之尚祈無隱

通潭州趙察推汝僎

下邑掾曹之卑謬茲祭竈上府元僚之重正爾秩筵宴欲託桃李之場盍起敬芙蓉之幕恭惟某官身端行治學廣聞多禮樂宗英其賢城也遠矣詩書元帥以禮羅而致之湖南之客多賢姑紉蘭芷天祿之書當校行薄蓬萊某弄筆得官代耕求祿輕舟主簿柰何凌萬頃之茫叢桂王孫或者哀衆芳之穢

回新武岡王判官之經

駕丹桂之梯夙聞香譽依紅蓮之幕茲屈英游先  
辱朋箋良高僚誼恭惟某官負才庸碩蓄孝齋法  
早收名第於摘髭盍徑要津而策足願由倉庾欲  
試弦歌會外臺重黔巫之邦以一賢任溫石之責  
使者持斧既已加桑梓之恭賓之初筵必首入蘋  
蘩之薦某一寒寡與獨冷多畸涉筆負丞已慙記  
壁挈瓶假守更使捫參猶幸勝士之肯來或望餘  
光而後去百聞不如見面未易立談同寮敢不盡  
心尚希愛助

標三二二

七

回榮州羅推官

聞琳琅之譽愧未盍簪賓玳瑁之筵幸聞命駕鼎  
來儷語益切高情恭惟某官子貢名門公遠仙裔  
扶搖三萬里謂立致於要津才名四十年胡尚淹  
於選筭暫此依紅而泛綠亟其拽紫以紆朱某濫  
守麾符正資幕畫戒行李載書冊幸疾其驅廣忠  
益集衆思無孤此意

回羅推官

萬里試郡叨分和義之麾聯事為寮正藉友仁之  
益未皇注記先沐蜚牋恭惟某官世德蟬聯器能

駿發明經而拾地芥早題千佛之名舉瓢而酌天漿合上三神之島願未吟於芍藥尚小泛於芙蓉煖席未幾溫綸即下某重捫井絡濫領斗州同寅惕恭和衷哉正須賢者罔利征商自始矣能勿誨乎謦晤非遙敷陳罔既

回新本州蘭推官

尊詞

慕蘭相如夙服題橋之志從李虞部暫為入幕之賓一介未先雙鱗甚厚伏惟某官美優世濟才應時須智囊衮衮以生風才刃恢恢而餘地初試神仙之隱五采宣威繼為法令之師片言平獄便合紆朱而拖紫乃猶泛綠以依紅最爾三榮隣於九頂事頓異於昔者公胡為乎來哉廣忠益集衆思國無陋矣戒行李載書冊予日望之某秉障非材觸藩無計求牧與芻而不得專俟罪歸襆被束擔而未行或容晤語

回武岡彭知錄

出

共江西之水昔嘗附總屬之題名分黔東之風今乃際糾曹而聯事未皇注記已沐飛箋恭惟某官學裕家傳才優世用考三世登科之記安俟金籀續一門叔父之方正須玉樹頤扼銓曹之限不辭



邵掾之卑竊聞文季之穰穰足贊武岡之矯矯操  
持綱紀自來喜見於朱絲明習憲章詎得久淹於  
丹筆不容煖席即對溫綸某教胄非材佐州何取  
督郵地忍儻未逐重聽之龍耳丞錄事天通固甘作  
折威之司馬

代回新嚴州郭知錄

伯長

對北臺之馬耳自昔通家問南山之鳳雛乃今補  
掾貽書勤甚喚夢凄然恭惟某官詩禮磨礪典刑  
服襲飲水食蘩不忘先訓之勤歛板折腰猶待糾  
曹之次三語之機相契五章之劔何難某星且拱  
辰日將入酉伏波床下敢當盛意之勤渠子陵臺  
邊或恐歸舟之邂逅

代回李知錄

短綆汲深聊備一人之數長牋委重何啻三語之  
多受之赧然無可謝者恭惟某官持心近厚克敬  
惟刑京兆浩穰小大之獄難察參軍俊逸輕重諸  
罰有權冒騰一鷄之章自笑匹雛之力譬之推轂  
信當遵平陸之塗然而盤根豈宜後朽株之木某  
儀圖莫助欲與同升惜露螢無自煖之光莫分鄰  
壁願天馬有長驅之足早入帝關

回司理司法

楊蕃

林木

蒙恩佐郡慙非典午之材聯事為僚將有同寅之契方圖注記已沐飛箋恭惟某官業履直溫風猷明浚補三語之掾暫屈通材培萬里之程盍躋要路佇由鸚表徑遙駕班某倚席罔功題輿非據別乘分月愧初無倡和之能同舟遇風幸不靳維持之助過此以往未知所裁

代回江陰趙司法

桑榆婉晚又塵紫橐之聯竹素勤渠良感墨曹之意慚無好語莫報故人恭惟某官清出璇源粹藏

北二

玉質頃者勾稽之試藹然廉直之聲滿謂頡頏身結飛霞之珮不虞鞞弄胎寒明月之珠佇積平反入儀華要勉為國許已振家聲某壯不如人老當佚我聊復爾耳更穿振鷺之行姑少遲之徑返屠羊之肆

代回全州劉司法

西崦餘齡冒誤恩而還綴東鄰厚意飭儷語以分光情溢乎文愧浮于感恭惟某官簪裳胃望衣被典刑爛斑綵服之華趨庭有得局促墨曹之試游刃不難諒積平反之功即登華要之路某扮榆相

託蒲柳既凋迷觚稜闕角之雲煙誤為出計懷江  
上山間之風月已卜歸期

代回江陰趙司法崇价

冬官率屬誤拜上恩春藻擢辭猥勸下問恭惟某  
官提身廉靖臨政疏明行矣瓜期又作墨曹之試  
豈其茅茹長為白璧之投願少頃之自此升矣某  
未能免俗豈不懷歸猶戀君軒小曳鄭崇之履行  
秣余馬言歸疏廣之廬

回新任李司法公澆

題千佛之名夙欽雋望補三語之掾茲屈英游望

標廿二

履不先鳴謙何厚恭惟某官挾材肅括蓄學碩膚  
五千言之修身盤根有種三萬軸之貫腹奕葉彌  
芳蚤擢領於廣廷甘擡頭於矮屋盍騰華貫又領  
決曹昔狄梁公之於并門韓昌黎之在荆渚皆居  
此職能大其官景行行之執事事也某負丞將滿  
聯事亦榮惟內惟貨惟來知片言之可折同姓同  
業同道或一見而後行

代回唐司理

惟良折獄何擇非人恤功于民不聞亦式鼎來良  
掾式慰疲甿恭惟某官有偉儒宗蔚為壽俊稟江

陽之秀清德可知觀雪嶺之奇雄材斯展不煩三語行刻五章其歸夢飛騰

亦已買江西

之舫行即解維或可識劍南之英當圖望履

回羅司理

十年出幕監叨一障之乘同官爲寮賴有三語之  
椽方規請益先辱鳴謙伏惟某官學有家傳材優  
世用撥煩剽劇共知從事之賢勞登明選公將在  
參軍之後逸騫騰近只翹企俟之某又入坤垠叨  
分斗壘同舟共濟諒無有於遐心縮袖旁觀亦恐  
孤於大手厥惟期俟莫旣編摩

標井二

通潭州曾司戶 應用

操觚學步敢論臭味之同舍墁代庖強附交承之  
契揆材名而貌甚接步武以幸然恭惟某官胄出  
魯洙秀鍾闡嶺鏗爾舍瑟學傳先聖之不傳向來  
辦香文到古人之未到事業已其土直科名真是  
遺餘居然三語之除淹此八年之久爭先捷徑君  
不行方夷猶獨抱古心羌難得而覩縷寧有圖書  
之彥可留版籍之司深霧雨而澤之望雲霄而近  
只某狙狙有志鹿鹿無奇栖枳棘於叢中甚安斯  
寢蹇芙蓉於木末敢襲其裳重違大府約束之嚴

姑俟前驅弩矢之至鳳凰尚遙於千仞鯉魚盡貢  
於尺書糠粃在前今公怒之未免珠玉將至覺我  
穢以何疑

代回邵武曾司戶復

老子婆娑濫紆蒼佩參軍俊逸遠寄素書恭惟某  
官植德潤身揆材資世用計然之半策已足豪雄  
試揆之之一官會觀霹靂有憐西崦之景猶庇北  
斗之司某曳履罔功投簪孔武吾車吾馬漸爲膏  
秣之謀某水某立或遂釣遊之願

回段司戶

標廿二

干木之廬必式尚阻面承子松之歲當更反勤言  
贈攜謙寵甚內訟悚然伏惟某官毓秀岷峨炳靈  
江漢秀實仁勇之節風烈固存文昌翰墨之聲雲  
仍是似草凌雲而入奏芥拾地以決科小試祿曹  
未展霹靂之手固爲檄屈忽纏悽愴之心素冠已  
畢於三年丹檢會膺於一札制禮弗敢過也俯就  
朝祥任官然後爵之亟觀暮召某避堂不敏下榻  
已稽將軍乃肯幸臨旣不以服而爲解進士於吾  
同業是固將賀其善鳴

回綿州家司戶燉翁家將仕坤翁

鸞傳鵠峙舊聞英物之不凡鴈後鴻前今見故人  
之有子未皇修贄先辱贈言恭惟某官世載其英  
學造乎道取青拾芥誇映秀士之羣泛綠依蓮卓  
犖椽曹之表恭惟將仕學有家傳美由世濟俯拾  
地芥不難一律之填鹿小試天葩便入三銓之衡  
尺佇端王覲亟踐世官某自嘆孤蓬復分半竹事  
其賢者友其仁者幸其在邦域之中愛勿勞乎忠  
勿誨乎特有望文辭之表

通潭州段支使

齒下士而望光明漫為委吏詣大府而受約束將

唐十一

見元僚或有三年之託根可無一紙以張本恭惟  
某官恢然材譎籍甚典刑故笏猶存可落姦雄之  
膽新硎既發孰嬰肯綮之芒茲依綠水之華暫贊  
碧油之畫湖山自得皆春生秋殺之仁賓主相驩  
有川泳雲飛之樂得文武於幕下已空異北之士  
夫流聲實於天朝是必湖南之支使某一科不補  
三金是謀使我有二頃田肯爭雞鶩屈公為數旬  
客幸蔭龜魚

武官

代回林御帶

標

十年去國恍然孤鶴之歸千里故人厚甚雙魚之遺所慙善頌未免過情恭惟某官鈐略通材璇魁名第朱華厄職早通二閣之班畫戟凝香屢作三刀之夢願因微恙力請真祠尊足者存叢何憐於蹉跎奉身而退龍豈困於騰驥既兩踵之生輝宜單車之促覲君王神武雖已謝單于而閉玉關男子功名正當殺賊奴以取金印某無能爲役非所納交天子欲誅羌酋未覺營平之老丞相必舉龔

標三十二

十一

遂佇觀渤海之安

謝戴將使

木

解后適願已幸識荆控惚裝懷未遑訪戴既感輕身先匹夫之意復有一紙賢十部之榮恭惟某官天分軼羣人門濟美翼扶九萬里決應海運於南溟腹笥五十家暫隱天樞之北落勇早聞於六館陣獨掃於千軍會當定一霸於螿弧何難連八科之麟角袞明日月更看黃榜之新履上星辰始是青檀之舊某舊交羣從今識清標聞元方季方之齊名亦既見止從延君少君而受禮更幸進之

回成副將鑑

懷章試郡叨分榮邸之麾訓旅將屯知有和門之  
副遠勤一介見界雙麟開緘粲然佩意厚甚恭惟  
某官共武之服克壯其猷稟山西六郡之良性資  
鷲勇應婁北一星之象卅胄蟬聯茲煩寡二之良  
來貳第三之拍爲王爪士足增劔閣之天高歸衛  
羽林寧俟玉關之人老某濫乘一障將幸同寮共  
惟帝臣正爾賴能罷之士能以衆整尚願聞龍豹  
之韜占叙惟勤敷陳罔旣



寄居官

代董制帥通許侍郎

奕

劉閣學

光祖

石坳和墨躡升獻納之班玉壘分符更冒蕃宣之  
寄歸然地重最爾人微實惟隣寶之依敢廢書函  
之敬恭惟某官清時碩德名世真儒惟其特立而  
獨行造道自得故能難進而易退經德不回至今  
猶侍臣之冠歷年賜方伯之履在外則植旗旄羅  
弓矢公豈此榮其功之銘鼎彝被弦歌士誠有望  
佇起几安之馬亟馳介大之圭某見謂踈庸誤蒙  
簡注願乘一障豈能堪十乘之行縱駕兩轡何敢  
作三刀之夢冒焉叱馭願在執鞭嗟遠道胡爲來  
哉孰寬脅息居是邦事其賢者載慰心期

代通費參政

士寅

分小隊於少城將安問政倚鉅人之長德行可庇  
身請裁吾黨之斐然來事是邦之賢者恭惟某官  
賦資肅括蹈行中庸長卿吞雲夢之曾豈以八九  
而芥帶太白空岷峨之眼尚餘千萬之琳琅簡上  
帝心爲公室輔固已重清廟九九之鼎謂當應泰  
階兩兩之符乃甘松菊之主人暫作園林之勝事  
道之將行也命天將降任是人佇一馬二童之來

增六鰲三極之重公有無窮之聞民無不獲之夫  
某蕭然棗昏重以木訥躡冒清華之選遂塵碧落  
之班所期乞一障之乘詎敢作三刀之夢惟是夙  
仰翹材之館乃今得依通德之鄉避正堂而舍蓋  
公定難屈致置盂水以教任守尚幸告忠

回寄居官

楊南平 年涪州 蒲運管 侯茂州

再命專城甚慙惕日六條察郤誤玷觀風所幸依  
長者之墻用是攬慨然之轡曾修辭之不敏辱委  
贄之相先恭惟揚南平 年涪州文武兼資循良可紀侯守  
器博而周才弘以毅蒲運管云洵美且仁柔嘉維則回

標三二

十九

衆官云筆力挾岷詞源倒峽作為黼黻卿雲河漢之  
七窮粲然琳琅李杜光艷之固在有怜弄峨眉之  
月詎能應益部之星財匪鬼輸安得有錢而使鬼  
粟非天雨若為轉粟以上天匪藉大家之牛車難  
沃小雅之牡轡某自知負乘更愧贈刀大夫儼然  
造焉既知感矣是邦事其賢者能勿誨乎

回寄居官賀除漕

依君子之鄉正虞謫滿歌使臣之雅忽冒恩除亟  
以籲天期於易地敢意緘滕之賜過形黼黻之詞  
恭惟某官厚德嘘枯英詞發藻通經學古用西漢

以為宗援筆賦詞鑒東坡之太晚崇金蘭之氣類  
致水薤之箴規送以禮樂而有光恐孤煩使編之  
詩書而無愧曷稱徽言某攬轡安能循墻知懼是  
邦大夫之賢者知久敬以善交吾黨小子之斐然  
愧成章而匪報

回鄉官未相識

守鄭公之鄉方規問政辱子雲之札有味贈言愧  
先施之未能感高情之見厚藏惟深於篋苟報莫  
辦於瓊瑤

回鮮于將仕

玉

五月渡瀘曾奉青油之談笑十年去蜀未瞻丹穴  
之羽毛敢圖伴來辱篤世好恭惟某官學優而仕  
父教之忠德星出虛危本南隆衣冠之望高論已  
河漢信東坡眼目之長竊聞墳篋不替弓冶章矣  
是以有慶矣正頃子弟之自佳咄兮終不可護兮  
將見公侯之復始某未皇望履先辱鳴謙識野鶴  
於未仙固將有後期廐駒之越國所向無前





